

chhòng-khan

Chóng-pian-chip
Pian-chip kap Siat-kè
Publisher

Tēⁿ Si-chong
Koa Khá-lē
Ko-hiōng Tâi-gí Lô-má-jī Gián-síp-hōe

Bûn-eng kap Papora Kiat-hun-sek ♥

Babuza Chû Jan 17, 2004

Kiat-hun ê thiap-á iōng Tâi-gi siá í-keng chin phór-piàn. M̄-kú chèng-hun iōng Tâi-gi iáu chin hán-tit khòaⁿ-tiōh su-bīn gí ê chu-liāu.

Ē-bīn chiū-sī góa thè lâng chèng-hun ê iōng-sû, hi-bāng tāi-ke chí-kàu. Hō āu-pái beh án-ne chò ê lâng chham-khó.

Message:

Siōng-tè chū kó-chá kó-chá chiū iōng hun-in lâi kiat-háp cha-po kap cha-bó ê jiòk-thé kap lêng-hûn. Che thang kóng sī Siōng-tè beh piáu-sī I chôan-lêng ê hong-sek.

Hun-in su-iàu siang hong-bīn lóng keng-kòe sīn-tiōng ê su-khó kap ū sēng-khún ê sēng-lòk beh pō-chhî hō-siōng ê ài-chêng, chun-tiōng kap iok-sok. Án-ne, Siōng-tè ê chiok-hok lín 2 ê, mā ê chiok-hok lín ê chhin-chiâⁿ kap pêng-iú.

Chit-ê tián-lé soah, lín chiū-sī ang-á-bó lōh. M̄-kú hun-in seng-óah koh su-iàu lín hó-hó-á khì i-chhî. Che pau-hâm hō-siōng thiàⁿ-sioh, hō-siōng thé-thiap, kap jīn-chin khì êng-chō hó khì-hun ê seng-óah. Chit-má khiā tī chia ê chhin-chiâⁿ kap pêng-iú lóng hi-bāng lín tek-khak jīn-chin án-ne chò, thang khak-sít pō-niá lín āu-pái hō-siōng pō-sioh kap thiàⁿ-thàng.

Bûn-eng kap Papora, lín chin kín chiū ê chai-iáⁿ, kóng--ê khah khòai, chò--ê khah oh! Un-jiù, thé-thiap kap koan-sim sī siōng iàu-kín ê tāi-chi. M̄-thang kià-bāng ang-sài sī thâu-tì kim-khôan ê Sèng-jîn, lóng bē ū kòe-sit; mā m̄-thang iàu-kiû ke-āu sī sin-khu hoat-sit ê thian-sài, chòat-tùi ê ôan-bí! Hun-in seng-óah ū-sî hó-thiⁿ, ū-sî o-im lōh-hō, ū hong-thai tōa-chúi mā ē ū tē-tāng, sīm-chì soaⁿ-pang tē-lîh! Tiōh ē-hiáu thang sià-bián tùi-hong ê chōe-kòa kap sit-gō. Kiat-hun m̄-sī beh chhōe-tiōh siōng sù-phòe ê tùi-siōng, eng-kai sī kā ka-kī piàn-chò tùi-hong siōng kah-ì ê ài-jîn kap tah-sim-ê!

Pledges:

Papora, lí chit-má khan Bûn-eng ê chhiú, lí beh chhōa i chò ke-āu bô? Lí beh hó-hó-á ài-sioh i bô? Lí beh tui i un-jiù, thé-liōng kap chun-tiōng bô? Lí beh chiù-chhōa chit-sì-lông kan-ta ài Bûn-eng 1-ê lâng bô?

Bûn-eng, lí chit-má khan Papora ê chhiú, lí beh chhōa i chò lí ê khan-chhiú bô? Lí beh hó-hó-á

ài-sioh i bô? Lí beh tui i un-jiù, thé-liōng kap chun-tiōng bô? Lí beh chiù-chhōa chit-sì-lông kan-ta ài Papora 1-ê lâng bô?

Vows.

Papora, chhiáⁿ lí tòe góa liām:

Góa, Papora/tī Siōng-tè kap chèng-lâng ê bīn thâu-chêng/chiap-láp lí Koeh Bûn-eng/chò góa ê ke-āu/tùi taⁿ khí/m̄-kóan hó-bái/m̄-kóan khong-kiān á-pēⁿ-thiàⁿ/lóng beh kā lí thiàⁿ-sioh kap ài-hō/it-tí t kàu Siōng-tè kā lán thiah--khui./Góa iōng góa kian-tēng ê sìn-sim án-ne tui lí chiù-chhōa!

Koeh Bûn-eng, chhiáⁿ lí tòe góa liām:

Góa, Koeh Bûn-eng /tī Siōng-tè kap chèng-lâng ê bīn thâu-chêng/chiap-láp lí Papora Thiāu/chò góa ê khan-chhiú/tùi taⁿ khí/m̄-kóan hó-bái/m̄-kóan khong-kiān á-pēⁿ-thiàⁿ/lóng beh kā lí thiàⁿ-sioh kap ài-hō/it-tí t kàu Siōng-tè kā lán thiah--khui./Góa iōng góa kian-tēng ê sìn-sim án-ne tui lí chiù-chhōa!

Exchange of Rings.

Tng lín chò chèng-sek sêng-lòk ê siāng-sî, lín mā kau-ōaⁿ chhiú-chí. Kiat-hun chhiú-chí m̄-nā sī khòaⁿ ē-tiōh ê góa-hêng niâ, mā pau-hâm lōe-châi khòaⁿ bē-tiōh ê i-hâm, piáu-sī lín hō-

siōng kú-kú tñg-tñg kam-kam tiⁿ-tiⁿ, bē-àu bē-chhàu ê ài-chêng.

Chhiáⁿ kā chhiú-chí hō góa.

Papora, chhiáⁿ lí tòe góa liām:

Koeh Bûn-eng, Góa chiap-láp lí chò góa ê ke-āu, mā kā góa ka-kī kau hō lí. Iōng chit-ê chhiú-chí chò sìn-bùt.

Koeh Bûn-eng, chhiáⁿ lí tòe góa liām:

Papora, Góa chiap-láp lí chò góa ê khan-chhiú, mā kā góa ka-kī kau hō lí. Iōng chit-ê chhiú-chí chò sìn-bùt.

Song.

Unity Candle.

Prayer.

Pronouncement.

Papora Thiāu kap Koeh Bûn-eng, lín 2 lâng í-keng tōng-ì beh kiat-hun, mā tī Siōng-tè kap chèng-lâng ê bīn thâu-chêng kau-ōaⁿ lé-mih kap sêng-lók ài-chêng, góan chiū án-ne chèng-sek soan-pò lín 2 lâng chiâⁿ-chò háp-hoat ê ang-ábó!

Embrace & Kiss!

Papora, Lí chit-má thèng-hó chim lí ê sin-niû lah!

Thanksgiving.

Recessional.

